

SIARAN MEDIA

BEDAH SIASAT MANGSA KEJADIAN PROJEK MRT SELESAI

*MRT Corp kini menunggu laporan lengkap
berhubung punca kematian*

Kuala Lumpur, 28 Februari 2015: Mass Rapid Transit Corporation Sdn Bhd (MRT Corp) ingin memberikan status terkini berhubung insiden yang berlaku di Portal Semantan pada 27 Februari 2015, tengahari semalam.

Bedah siasat telah dijalankan keatas mayat Rijaul Abdul Goni, 40 di Hospital Kuala Lumpur semalam. Bagaimanapun, laporan hasil bedah siasat ini belum dikeluarkan oleh pihak berkuasa.

Dalam kejadian 1.20 tengahari itu pada Jumaat, 27 Februari 2015, tiga orang pekerja sedang memasang kerangka besi tetulang di tapak pembinaan Portal Semantan V4, apabila ikatan di antara besi dan kerangka itu terputus. Ini menyebabkan beberapa batang besi itu jatuh ke atas ketiga-tiga pekerja terbabit.

Rijaul mati di tempat kejadian manakala Shanaullah, 37 cedera. Pekerja ketiga, Rozlu Karim terselamat.

"Kami sedang menguruskan penghantaran balik jenazah Allahyarham Rijaul untuk dilakukan pada hari Isnin. Pihak kami sedang berhubung dengan Suruhanjaya Tinggi Bangladesh di Kuala Lumpur untuk menyalurkan apa-apa maklumat yang perlu berhubung kejadian," kata Encik Amir Mahmood Razak, Pengarah Komunikasi Strategik dan Perhubungan Awam MRT Corp.



Amir juga menafikan laporan media yang mengatakan mayat Rijaul telah hancur.

“Laporan awal mengatakan mayat masih utuh dan tidak hancur. Namun, laporan bedah siasat akan mengenalpasti punca kematian Rijaul,” Amir berkata.

Shanaullah, yang tercedera di bahagian muka, telah dihantar ke Hospital Kuala Lumpur. Pembedahan telah dilakukan di bahagian hidungnya, dan beliau kini dalam keadaan stabil.

MRT Corp berasa kesal atas kejadian dan merakamkan ucapan takziah kepada keluarga mangsa yang terbabit dalam insiden malang ini.

Siasatan sedang dijalankan oleh MRT Corp bersama pihak-pihak berkuasa bagi mengenalpasti punca kejadian.

Tamat

Untuk pertanyaan media, sila hubungi:

Leong Shen-li	012-3196602 leong.shen-li@mymrt.com.my
Amalina Ghazali	016 215 4055 amalina.ghazali@mymrt.com.my
Nadia Azmi	012-2585719 nadia.azmi@mymrt.com.my